

春
秋
慎
行
義

春秋慎行義一

莊有可撰

居

天王居于狄泉

按天無形在天成象者莫

璿璣書曰

日言居而王之正位

似之則既係王於天亦惟王言居也夫王者建極以建國必先
自奠其居而後可以臨制四方則所謂左祖右社面朝後市者
固王之常居也居之而安乃能心無為以守至正而言動無有
不當以居為行之本也狄泉在外城非王之常居也然外城有
王者祭祀圜丘方澤齋居及時覲諸侯講學養老之所如辟雍
是也狄泉或即其地

劉子單子以王猛居于皇

按猛本止作並以主器言義無通也主器以長子為重故王不言天而言二相以也以前輔翼之意為嗣王之初即位言也若皇為圻內之地又在外城之外王於圻內有遊觀補助時巡之所蓋皇亦其地矣

冬天王出居于鄭

按王者無外其巡守方岳殷同諸侯以天下為家者也故凡王所在皆居也然鄭為列國在王圻之外則非王所自治矣故居獨加出王圻內外之辨也凡王居共三而皆不於中城王宮且以次而漸推之則王者以明德自奠其居必歸之於行遠也矣

此獨書冬者天道藏於東壁發見於營室營室謂之定也故象
水至清秋翟通亦皆古滌字則可染采也皇羽備五象象文德
也鄭本止作奠定也雖出而居有定也蓋天道与王道其居必
如是也共天王二王名一居二出居一而實則天王居王名居
天王出居又各不同則天人之別也要之居為動主當無二義

三月公至自齊居于運

公至自會居于運

春公如齊公至自齊居于運

公如齊公至自齊居于運

春公至自乾侯居于運

按此公居也不直言公居而必加至自且其二又加如者公為
王臣君逸臣勞不敢安居也故居必於運運行也公之運代王

行者也故公之所居皆運也王雖出居而于鄭動亦靜也公居必運靜亦動也居運有五撫于五辰也王居三而公居五天地三五之道也其如齊二至自齊三至自會與乾侯各一則亦天道之顯者也凡公居書月一書時與不書時皆二也并王居八則月一時三不書時四也

在

春王正月公在楚

春王正月公在乾侯昭三十

春王正月公在乾侯昭三十一

春王正月公在乾侯昭三十二

按在猶居也然居尊而在卑故上位曰居下位為在王居公在所以定名分也故公在必書王正蓋王正之道莫重於正公在

也公在必四者職四方也亦半居數也

出

冬天王出居于鄭

按有事於四方男子之志也故雖天子之尊有時而出若巡守若征伐若親迎皆出也王出獨言居者天子有行吉行日五十里師行日三十里無庸馳驅奔命故以居表尊者之出也

春周公出奔魯

按公出以下皆書奔急趨君命也公止一書與王同公之尊次於王也書時亦同凡出皆當讀如居于鄭等皆另為句

衛侯出奔楚

己未衛侯出奔齊

按侯出二倍公也公侯皆不名与王同亦次尊也侯亦方伯大侯也

十有一月衛侯朔出奔齊

冬蔡侯朱出奔楚

按此亦侯出二而名蓋以為小侯也所以別嫌明微也小侯之爵雖同於大侯而等威異監屬於牧也其奔齊楚与不名同

五月鄭伯突出奔蔡

北燕伯欵出奔齊

按伯名出亦二与侯名出同同七命也而一書月与侯名同一不書与侯不名同侯伯同命為類也故爵則侯倍伯而名乃倍不名也凡王公侯伯之出共八名不名分也自伯以下出無不名者矣

衛世子蒧出奔宋

按世子出一備數也亦特筆也

宋公之弟辰暨仲佗石彊出奔陳

按此公弟出而暨二族名則其出不專係於弟蓋如周公之出亦為圻內之公與外公爵不同皆以公尊而詞微異也

陳侯之弟黃出奔楚

衛侯之弟鱄出奔晉

按公弟出一與公出同故侯弟出二與侯不名出同也

夏秦伯之弟鍼出奔晉

按侯出兼名不名共四而侯弟出半之故伯弟出亦半伯出也凡世子君弟出共五而除世子則弟出四除公弟暨則世子君

弟出亦共四也

公子慶父出奔莒

冬十月公子慙出奔齊

按內公子出二不係國蓋義猶王子也

蔡公子履出奔楚

楚公子比出奔晉

陳公子留出奔鄭

宋公子地出奔陳

按外公子出四與內公子相倍半也并之而六

蔡公孫辰出奔吳

按公孫出有外無內屬疎故略也并外公子而五

夏夏曹公孫會自夢出奔宋

按此亦公孫出而加自夢為異蓋與公弟之暨相似而不同凡

外公孫二與內公子同與外公子相倍半也并之而八又與君弟相倍半也

冬十月乙亥叔孫僑如出奔齊 冬十月乙亥臧孫紇出奔邾

按此皆族孫也故出與公孫同并之而又為孫出四惟皆書時月日而又同為異凡世子君弟公子公孫族孫之出共十五與王公侯伯之出相倍半也

齊崔氏出奔衛

按國族氏出一而不名并王公侯不名者五也

衛孫林父出奔晉

按此本族名出也而假孫為族實又國孫也故與公孫族孫為

三并之而數五也

衛公孟彊出奔鄭

按公孟亦族也而實又與公弟公子公孫為類則其出一又并君弟公子公孫而十三也

衛世叔齊出奔宋

按世叔亦族也而又與世子公孟叔孫為類若并孫與公孟而三皆衛族也其出之義蓋皆不止族名也

衛元咺出奔晉

夏衛石惡出奔晉

衛趙陽出奔宋

按衛族名出三與孫公孟世叔分并之而六又晉三宋二鄭一

也并世子侯弟而八若更加衛侯三則十一也

齊高无咎出奔莒

齊高止出奔北燕

按齊族名出二皆高氏也并崔氏不名而三

晉狐射姑出奔狄

秋晉欒盈出奔楚

按晉族名出二与齊同

陳鍼宜咎出奔楚

夏陳轅頗出奔鄭

按陳族名出亦二与侯弟公子分并之而四

夏蔡朝吳出奔鄭

按蔡族名出一并公子公孫而三若更加蔡侯則四也

鄭良宵出奔許

按鄭族名出一

楚囊瓦出奔鄭

按楚族名出一并公子而二蔡鄭楚各一與齊晉陳各二相倍半也

宋華元出奔晉

宋魚石出奔楚

宋華臣出奔陳

宋華合比出奔衛

宋樂世心出奔曹

按宋族名出五并公子而六皆一人出也凡族名五人出共共

二十孫與公孟世叔皆族也除之則族名係國止十七矣

冬十月宋華亥_內出奔華定出奔陳

按此亦宋族名出也并前共六与衛族名同而此三族名為異
宋華亥幼寧華定自宋南里出奔楚

按此亦宋三族名出也而三族名与前重為異其自出与曹公
孫會同皆名不係出者也而族名与三人異重出亦異至向寧
華定与前俱不係國并仲佗石彊皆為二人同出又与内公子
二族孫二之不係國者相似也

凡國族名并前共二十二除重為二十若
除孫公孟世叔則又十九若十八也

冬十月宋萬出奔陳

按此宋名出也并族名出共八加公弟公子共十而奔陳五楚二
晉衛曹各一也若除三族名之重出為九則出比衛少二而人
有十三則又多二也惟但以名出論則九數同也

鄭忽出奔衛

按鄭名出一并族名而二若更加鄭伯而三也

曹羈出奔陳

按曹名出一并公孫而二

莒展輿出奔吳

按莒名出一并前國名共四凡出共五十而除出居一則出奔四十九也除自某出二則直出奔者共四十七加出居四十八也除三人並出三則一人出奔共四十六也除不名出五則名出共四十五也除君出八則世子以下之出共四十二也名出者四十五而有三人同出者三則名實有五十一也書名雖五

十一若除三人重名則人實止四十八也是故王公侯氏不名者五十五出中十分之一也加重名三而八又五十六數中七分之一也蓋不名五与重名三皆虛數也除八虛數之出六則出為四十四也若於五十六數中除天王出一則人有五十五也天王至尊且其出猶居體也非用也再除三人並出与公孫自出則公侯氏名以一人係出奔者四十五也至其所出之國晉楚皆八也而楚除重名出則七也并陳六為二十二若二十一共三國也齊鄭皆五也而鄭加王居亦六也并宋四衛三莒吳各二亦為二十二若二十一則六國也倍三國矣餘蔡曹北燕邾許狄亦六國也并之共十五矣其書冬十月乙亥者二己未

一其日三也又冬十月三五月十一月各一其月五并日而八也時則夏五冬二春秋各一其九并日与月凡十七也不書時者三十三倍十七也

入

冬十月天王入于成周

按有出必有入故天王入猶天王出也凡王之道居也出也入也而王之動備矣故於天王各一書之入必于成周者成乎周也周徧也猶該也故於時為冬十月謂建亥之月此天道也

秋劉子單子以王猛入于王城

按王而書名嗣王在喪未成君也故以王入猶延入翼室也則

以王居猶恤宅宗也皆嗣王所以正始也故皆書二子以者嚴王衛也總王之居出入共五分之則出一入二居三也

衛侯入于夷儀

按侯入不名一半侯出不名也故其不書時同而侯即書日之人也

夏六月衛侯朔入于衛

按侯入不名一猶天王入也則侯入名一猶王名入也

秋九月鄭伯突入于櫟

按侯入名一半侯出名也則伯入名一半伯出名也故其名皆同也

許叔入于許

按叔入蓋猶王名入也王以書名著應為後之詞叔以不書名著應為後之詞則凡書名入者義亦不同也許叔入即許男矣出書公入書叔於列爵互相備也王猛入王城衛侯朔入衛許叔入許三入皆各復其所也王侯書名同而以王異衛許入國同而名不名又異

秋紀季以鄫入于齊

按季入猶叔入也而以鄫異入齊又異叔季之入猶君弟之出也故其數亦相倍半也凡王侯叔季入不書名共四并出不書名而九也

齊小白入于齊

齊陽生入于齊

按國名入二半國名出也

莒去疾自齊入于莒

按國名自某入一并國名入而三與國名出不書時月者同也而三入亦為各復其所與王侯叔同也以上十入皆以爭得國之事惟紀季非爭而以鄙入猶為得國也

宋魚石復入于彭城

晉欒黶復入于晉入于曲沃

按復入則已不止一入矣而復入之中又有不同晉而入晉亦為復其所也而復入者又入則特筆也以下皆書國族名皆臣也

衛孫林父入于戚以叛

秋晉趙鞅入于晉陽以叛

按入叛二与復入同而叛之為義不同也此皆一國族名叛也而入晉陽与復入晉亦相似

冬晉郤宣士吉射入于朝歌以叛

按此一國二族名入叛也

宋華亥向寧華定自陳入于宋南里以叛

按此一國三族名入叛也而又兼自入為異其宋南里又与王

城晉陽相似蓋南猶陽也里猶城也亦以三五見義也

春宋公之弟辰及仲佗石彊公子地自陳入于蕭以叛

按此一國四卿入叛也而族名二公弟公子各一即仲亦為行

与他族微別惟自陳入則與三族叛同并前入叛共五而人有十一也

秋宋樂世心自曹入于蕭

按此亦自入也然書國族名與國名異若其叛不書叛蓋以例復入也

鄭良宵出奔許自許入于鄭

按此亦自入也亦仍復其國也而獨連書出奔蓋以著有出必有入之義也凡國族名之書入共九事而書入者亦十與不全書國族名之入同皆亂臣也而書叛者五書自者亦五書復入者二書復其國者四晉二而宋鄭各一也自入雖五而國族名

止四陳二而曹許各一也凡君臣爭亂之入共二十而君之十入書名者六臣之十八書名者十五共書名者二十一也析之則爵名三國名三族名五公弟名公子名一國族名八并不名四而人為二十五也其書時月者三時六不書時者十以入而又入連書止一事也名二十一与事止十九皆贏不足之數也而以人係入者止十三再除二人入一止十二也

八月丁丑夫人姜氏入

按此特筆也夫人異矣入不書所于亦異也然有氏出必有氏入故姜氏之入与崔氏之出義互見也且又与天王之出居相似由除天王之出居為四十九入加夫人姜氏為二十一其異

書月日一則并前十九事為二十而書与不書分也

春王正月宋公入曹

按以下皆以兵入人國邑也本与上爭亂等入不同然縣之以入則非有異也故四公入一与公出同亦以備前所未及

三月丙午晉侯入曹

按并前侯入不名而二亦与侯出不名同

丁亥楚子入陳

按子爵不名而入特筆也義蓋与公侯之入異

秋七月公及齊侯鄭伯入許

按公不係國猶周公也又及侯伯同入与公弟名及三卿同入

相似凡爵入共四而人共六并前王侯不名之入二亦六也
王侯伯名入共十一加叔季為十三又加此一入三爵則十五
也凡爵入以下已詳兵爭義者多互見

夏五月莒人入向

鄭人入滑

春王二月秦人入滑

秦人入若

楚人入鄆

六月邾人入郕

按一人入六与王侯不名之入同若并上爵以兵入本四六分
而人數又与爵數同也

秋宋人衛人入鄭

冬十月壬午齊人鄭人入郕

按二人入二并上一人入則入二六分而人四六分共十人而

八入也

庚寅我入邲

按我者對人而言人十我一內外多寡之數也人八入而我一入則羸縮之故也并之而九

秋衛師入邲

按師之異於人者以其衆也且兼人我皆有者也

乙巳公子遂帥師入杞

按此內公子也并公子地而二其為入不同而公子不係國同蓋不以內外殊也

六月壬子鄭公孫舍之帥師入陳

按此外公孫也故係國又与公子地不同皆以錯綜互見耳

錄侯帥師入極

按此入名不書族亦以備義也前并書名之入共二十四也

秋七月荆入蔡

十有二月狄入衛

吳入州來

庚辰吳入郢

於越入吳

定五

於越入吳

哀十三

按入舉國皆狄類也而吳越各二荆狄各一越又加於各有不

同焉

九月入杞

戊申入蔡

八月己酉入邾

按入上不係主名猶入下不書所予也故蔡邕二入別書日下
与入祀同而月入日入与月日入蓋又各有義焉

季孫宿帥師救台遂入郕

按遂入直入也与入不係主名者相似而不同蓋季孫宿帥師
本書族名但因救遂入耳其書季孫名入亦以備義并前書名
共二十五与五十分也

齊侯侵我西鄙遂伐曹入其郛

按此亦曹入也并前書爵共十二亦遂入也而詳加伐為異并
前以兵入共二十八而蔡陳杞鄆滑吳鄆皆二其入十四也曹
亦二也而并郛為三故与衛鄭鄆郛許向極郛若郛州來其入

亦十四也再并前爭亂之入二十為四十八加夫人入一為四十九与出奔之出同

秋七月有星孛入于北斗

按孛入天象之以亂入也并前入于二十為二十一總前入共五十与書出同數

萬入

籥入

按萬籥皆樂也歌舞而入以禮相接入之至和至順也蓋入之為道事本和順其或有逆亂則行之不盡其道之所致不可不慎也此二入亦不書所于并夫人而三与入不係主名同總前入共五十二陽來之數也其書時月日一月日四日五時月九

月三時八不書者二十一也

奔

王子瑕奔晉

尹氏召伯毛伯以王子朝奔楚

按奔急行也天行之健本貴神速而不可少為留緩者也其於人事則猶云亡命也止書奔直奔也王子名二奔莫尊於王子也二奔不同則奔之之權又有在於以之者也一氏二伯雖亦與奔而所重仍在王子也

溫子奔衛

鄭子奔莒

弦子奔黃

按溫圻內子也鄭弦亦六服內子也三奔皆不名君也猶尹召

毛也王子雖貴而未成君則名三子雖微而成君則不名在位
与不在位之辨也凡直奔者不書他爵而止書子則義又不係
於爵也

徐子章羽奔楚

按徐子獨名六服外之子也此内外之辨也王子二爵子四相
倍半也皆子也名三不名亦三則分也

晉先蔑奔秦

按國族名奔一備數也王子之奔雖爭國而不能有天下也爵
子之奔失國也先蔑之奔失家也凡奔共七其一二四之數相
倍半也除以奔一則亦名三不名三也

歸父還自晉至筮遂奔齊

按此以遂奔為異故又加還自至為文而歸父又止書名而不書族蓋其義或重於父而不專乎名也

丙戌奔莒

按此本公孫名如不至且復而又奔也而奔加書日則又當以日奔為義并前書奔共九而以奔遂奔与止書日奔皆以異文見義其所奔之國則楚莒各二齊晉衛秦黃各一也

春周公出奔晉

按奔加書出詳之也如公奔既書周晉兩地則其出固不煩更贅而又書出以詳之者凡物必有其域域者位也如天有十二

展七政因之以分次其經度之遠近前後中邊又有本次彼次之別苟行而未離其次則雖行不可云出也既過此次而入彼次不可不以出別之也故以奔對居則奔之中有居惟王之出居于鄭是也而於奔又詳出則奔有不出者也出奔之已詳出者多互見

衛侯出奔楚

己未衛侯出奔齊

十有一月衛侯朔出奔齊

冬蔡侯朱出奔楚

五月鄭伯突出奔蔡

北燕伯欵出奔齊

按侯伯出奔六与子奔同加周公而七与加先蔑同周公加尊先蔑加微也

衛世子蒧出奔宋

宋公之弟辰暨仲佗石弼出奔陳

按暨出奔与以奔相似而不同

陳侯之弟黃出奔楚

衛侯之弟鱣出奔晉

夏秦伯之弟鍼出奔晉

按四弟之奔^出与四子之奔亦相似

公子慶父出奔莒

冬十月公子慙出奔齊

蔡公子履出奔楚

楚公子比出奔晉

陳公子畱出奔鄭

宋公子地出奔陳

按公子出奔六与子奔同其内公子二外公子四亦与王子列

子同并世子而十三也

夏曹公孫會自夢出奔宋

蔡公孫辰出奔吳

按公孫出奔二亦与王子奔同其以奔自出奔亦相似也

冬十月乙亥叔孫僑如出奔齊 冬十月乙亥臧孫紇出奔邾

按族孫出奔二并公孫為四孫与四子奔同亦与四弟出奔同

鄭忽出奔衛

冬十月宋萬出奔陳

曹羈出奔陳

莒展輿出奔吳

按國名出奔四亦与列子奔同

齊崔氏出奔衛

按國族氏出奔一与尹氏奔相似而不同并之而氏奔共二也

衛孫林父出奔晉

衛公孟彊出奔鄭

衛世叔齊出奔宋

衛元咺出奔晉

夏衛石惡出奔晉

衛趙陽出奔宋

齊高无咎出奔莒

齊高止出奔北燕

陳鍼宜咎出奔楚

夏陳袁頗出奔鄭

晉孤射姑出奔狄

秋晉欒盈出奔楚

按晉族名出奔二并先蔑奔而三奔与出奔相倍半也

夏蔡朝吳出奔鄭

鄭良宵出奔許

宋華元出奔晉

宋魚石出奔楚

宋華臣出奔陳

宋華合比出奔衛

宋樂世心出奔曹

楚囊瓦出奔鄆鄭

按國族名出奔二十若除孫及公孟世叔三族止十七也與奔九相倍半也

冬十月宋華亥向寧華定出奔陳

宋華亥向寧華定自宋南里出奔楚

按三人同出奔二并弟暨而三若更并以奔則四也總國族名奔與出奔共二十三加國族氏一為二十四再加仲佗石弼為二十五更加叔孫臧孫為二十七而族名共八除重為六也若除氏及孫與公孟世叔之族及止書族名不係國者則國族名并奔與出奔仍二十也至其所奔之國為楚十晉九齊陳皆六

鄭五宋衛莒皆四吳二共國九奔五十而齊晉楚三國以大國
得奔二十五則國相倍半而奔分也餘蔡曹秦北燕邾黃許狄
各一并九國而十七亦幾分也

春王正月邾伯來奔

按奔有出必有來出者自彼而言故舉地來則自此而言故不
舉地伯來奔不名一并召毛為三伯而二奔又異者邾為圻外
之伯并鄭北燕之出奔名亦三也

秋七月莒子庚與來奔

春王二月邾子益來奔

按子名來奔二并徐子名奔而三皆六服外之子也又并子不
名奔三為六名与不名分而奔与來奔相倍半也凡公侯伯子

之奔共十四而奔四來奔三与出奔七分也其名不名各七亦分也而爵則侯四伯三与公一子六分也蓋召毛之伯又因以奔而異焉

宋子哀來奔

按子字來奔一特筆也列國之卿當小國之君書字則同於中國附庸猶尊於六服外之子也侯伯与王子皆名而宋卿書子書字則義蓋又有在其來奔并宮邾二子來奔而三相倍卑也再并子爵奔四王子奔二而九則奔与來奔又相倍卑也若并世子公子七則共子十六奔也

宋司城來奔

按司城書官來奔亦特筆也官也字也蓋皆以備義也并酈伯
而來奔不名者共三若并崔氏而臣之不名者亦三再并公侯
伯子凡不名之奔共十而出奔与奔皆三來奔四也若更加尹
氏召伯毛伯為十三人則又公一侯二伯三子四氏二官一也
宋公之弟辰自蕭來奔

按君弟名自來奔一并君弟名出奔而五而人為重出与三族
名再出奔相似并自出奔二而三更加還自至遂奔一而四其
為自奔又不同也

春衛公叔戌來奔

夏衛北宮結來奔

按公叔与公孟相似此宮為君夫人亦相似也而皆為族与孫

及公孟世叔之為族同并之則出奔三与来奔二而五也若并
字官公弟各一則来奔亦五也凡衛君臣出奔与来奔共十

三

夏宋華弱來奔

按宋族名来奔一并前来奔共四若并前族名出奔七共族名
奔八而除重仍七也總前宋名奔共十四除重為十二而人則
十六也

冬齊慶封來奔

夏齊欒施來奔

按齊族名来奔二并前宋衛族名来奔共五而書時皆同若并
國族名奔一出奔二十共二十六皆一人也

夏齊國夏及高張來奔

按此及來奔亦特筆也而奔共二人与暨出奔三人以奔四人
蓋相似而義互備且并三族名同出奔二而五皆不止一人奔
也共齊族名來奔三與齊族出奔同并之共齊族奔六而人七
除氏一而族名仍六也總國族奔共三十宋衛皆八齊六晉三
陳二蔡鄭楚各一也若除齊氏一則國族名共奔二十九也若
再除宋華亥重一則實人止二十八也更析之則奔一來奔六
出奔二十三也

夏邾男來奔

邾快來奔

按國名來奔二半國名出奔也并書爵書官書字書族書名之

來奔除及奔自奔共十二也

邾庶其以漆閭丘來奔

冬邾黑肱以濫來奔

按國名以地來奔二而一地兩地不同凡邾臣來奔共四并君而五皆名也

夏莒牟夷以牟婁及防茲來奔

按國名以地及地來奔一并前以地來奔共三而邾二莒一書時二不書一其防茲與漆閭丘同而加書及異又漆濫防茲與閭丘牟婁各以類見義而一地二地三地亦互備也且以地及地又與人及人來奔相似也前并國名來奔共五亦與國族名來奔同蓋比國族名來奔加及少一而比國名出奔多一也并

莒君來奔而二再并展與出奔而三亦君臣來出三互也凡來奔共十七倍奔也

邾子來奔喪

按奔喪与各奔異然亦來奔也并邾君臣來奔共六君二而臣四也并子爵共來奔三則邾二莒一名二不名一書時月二不書一來奔一來奔喪一也加子爵奔而七又加王子宋子而十又加世子公子而十七也凡來奔并奔喪共十八而奔一九來奔二九為三九之數出奔為七七之數總奔七十六而奔之義無不備矣是故爵奔十五加召毛為十七則公一侯四伯五子七也而侯伯名皆二子名三其名不名相倍半也若除召毛与

奔喪其名不名亦相信半也其出奔七奔四來奔三共十四本
分也加奔喪一則來奔又與奔同也更加召毛以奔為餘數則
爵又十六奔矣官葬字奔各一皆來奔也氏奔二一出奔一以
奔也凡奔不名者共十一出奔為公一侯二皆爵也加氏一而
四來奔則伯一官一字一也加子奔喪而四奔亦子三也若更
加尹召毛之以奔則奔亦四而不名又十四矣其以屬奔者王
子二世子一相信半也內外公子共六又與王子世子相信半
也凡三子共九公弟侯弟各二伯第一君第五也除宋公弟重
而四則侯二公伯各一與公孫二叔孫臧孫各一分也不除重
并孫亦九又與三子分也共出奔十五奔二來奔一亦自奔二

暨奔一也而自暨之奔又出奔二來奔一公弟二公孫一人
奔二三人奔一各相互也若并以奔而四又四五各有同異也
又族孫二并國孫一而三亦屬奔而相倍半者也衛孫林父之
國孫本族也而假以見義又与宋子哀之國子互備相同故哀
以字來奔林父蓋亦以字行出奔者也又國名奔九与子奔九
弟孫奔共九亦三九也共出奔四來奔五而以地奔三与不以地
者相倍半也而餘六為出奔四來奔二猶倍半也至國族奔共五
十与爵奔及王公子弟孫以屬奔除重者分也若除崔氏不名
而國族連名共奔二十九也出奔者二十二除三族名同奔二
則一人出奔二十也來奔者六而奔一也若加叔孫臧孫族名

奔二為族名奔三十一則出奔二十四為來奔之四倍而來奔
除及奔一而五又為二十出奔四分之一也其止以族名書者
叔孫僑如臧孫純仲佗石彊高張向寧華定共七人而向寧華
定重出亦九也又有止以名奔者一而名不係奔與自邑奔二
以邑奔三同并之亦六也若又加三族名自奔一則七也共名
奔六十四八八之數也出奔君臣書名者四十五五九之數也
來奔君臣書名者十四與爵奔除奔喪同其奔君臣書名者止
五也若除名不係奔者七則名奔為五十七也加暨及等奔連
名共五則人有六十二而不除名不係奔并不除重名則名人
共七十一也再加不名者十四則凡七十六奔共八十五也內

內除重名弟辰華亥向寧華地四則不重者八十一九九之數也而奔喪之邾子不名與邾子益雖有名不名之異而實止一人則實人共八十也又有丙戌之奔公孫敖名在日上乃足九九之數耳然而戌之奔又義重日奔蓋天道也故奔者雖為公孫敖而名既隔於日上可不數也凡王子及內公子族孫并內名不書族者七皆不係國故書國止六十八如宋十四衛十三齊邾皆六陳蔡皆四晉鄭莒皆三曾楚皆二重出者共六十餘則周邾秦北燕溫鄭弦徐各一也然又有尹崔二氏召毛二伯及自宋自晉二國自蕭自夢二邑至筮一邑則地共七十七也而年婁間丘防茲漆濫六邑不與焉又來奔十八皆下不係國

則奔与出奔之國止五十八也凡書冬十月乙亥二止書日二而丙戌係奔与己未不同也書時月六月二与日相倍半也書時十五為秋一春二冬三夏九并書日与月共二十七奔与来奔之數也不書者四十九出奔之數也

如

三月公如京師

按如本作几猶往也与奔相似而不同奔象龜行之急其情迫也几象鳥飛之捷其勢順也公如京師朝王也於三月春朝圖事也公為方伯一方之事皆公總之故如京師而聽命也

春王正月公如齊

僖十

春王正月公如齊

僖十五

春王正月公如齊宣九

按公如不詳所事皆朝也而如於王正則朝正也朝正於齊是京師齊也三書之亦如之極數也

冬十月公如齊

按此時月如也并前王正共四

春公如齊宣五

春公如齊宣十

春公如齊昭二十七

按此皆朝正也而不書王正月者略之且以備時朝之制也其

三書則與王正同

秋公如齊

按秋如即秋覲也一書之尤略也并春如共四与時月同

公如齊宣

公如齊昭二十七

按如不書時蓋邦交間於王事相朝不拘於時之禮也而書之於冬秋為倍於時月与時皆半也并之而十

冬公如齊納幣

夏公如齊觀社

夏公如齊逆女

按此昏禮之三也故納幣納徵也觀社請期也逆女親迎也公為一國之主大昏之大公固當自主之苟求淑女而不得則納徵請期公皆親之亦未為禮之過也但魯莊所行則非其人耳并前公如書時共七春三夏二秋冬各一也

公與夫人姜氏遂如齊

按公如而兼與夫人特筆也蓋本昏禮廟見之後壻與女反馬而見外舅姑之禮也并前如齊共十四此不書時与前相倍半也并之而三加時月而七與時分也

春王正月公如晉

襄八

春王正月公如晉

襄二十一

春王正月公如晉

定三

秋七月公如晉

按如晉亦書王正三猶如齊也故秋月一亦與冬月同

冬公如晉

文三

冬公如晉

文十三

冬公如晉

襄四

冬公如晉

昭二

冬公如晉

昭十五

冬公如晉

昭二十三

按冬如晉六倍春如齊也

夏公如晉

按夏如晉猶秋如齊也於齊書春秋於晉書冬夏至備也并時

如晉共七仍与如齊燕納幣等同也

公如晉成四

公如晉成十八

公如晉襄三

公如晉襄十二

公如晉昭五

公如晉昭十二

公如晉昭十三

公如晉昭二十一

公如晉昭二十八

公如晉昭二十九

按公如晉不書時十与公如齊不書事同共公如晉二十一而

而如齊二七如晉三七也齊甥舅也晉同姓也故於異姓詳昏
禮而於同姓加親也若晉除至河乃復之如六則實如^止十五
并如齊除与夫人一而十三又四七也所除共一七也若不除
与夫人并如京師共三十則五倍王正如也如京師一如齊如
晉之王正各三亦一七數也總如京師如齊如晉共三十六若
除与夫人為三十五亦五七也

十有一月公如楚

三月公如楚

按公如楚二与如京師相倍半也故書月同而三月二十一月
一又相倍半也并之而三与如齊晉之書王正相倍半也公之
職分方而治京師王所也齊晉大侯同方岳共職方者也楚在

六服之外奮武衛而至焉內安必外攘也并公如共三十八除如齊與夫人如晉乃復止三十一也再除如齊納幣等三實止二十八蓋公以王事如又四七之數也

冬州公如曹

按外公如一亦公如也總公如共三十九也王正六與月三相信半而時月共八與時十五相信半也不書時者共十三又與王正相信半也

夏齊侯鄭伯如紀

按外侯伯同如一并外公為爵三而如二并內外公如共四十四也而所如為齊晉紀曹楚共五國加京師為六而京師紀曹各

一與齊晉楚分也

陳侯如會

按侯如一并如紀齊侯共二而會非國邑為異也

鄭伯虢頑如會

按伯如一并如紀鄭伯共二而加書名為異共外公侯伯如四除侯伯同如則公侯伯各一也并之而爵五則公一侯伯各二也總內外公侯伯如共四十二則六七之數也

陳侯使袁僑如會

按如會三而各不同君二而使臣一也名二而不名一也又陳二而鄭一也皆互見也

秋七月齊侯使國左如師

按使如共二与君如異然實代君如故其數与外君如相倍半也而如師又異并外君臣如共六加公如而四十四也其族名二与伯名一亦相倍半也

夏夫人姜氏如齊

夫人姜氏如齊

按夫人之禮父母在則歸寧沒則奔喪故有二如也并公與夫人如而三而與如与專如亦相倍半也

夫人姜氏如莒

春王二月夫人姜氏如莒

按夫人如莒二与公如楚同

夏夫人姜氏如齊師

按如齊加師固非國中乃師中也國容與軍容異戎事不逆女
器與夫人之外如莒皆變也然夫人如齊師蓋亦與公如京師
同故亦與如莒相倍半但一書時月一書時一不書時又異耳
又如京師如齊師與使如師皆師也與三如會相似而不同凡
夫人如共五并公與而六而莒齊又相倍半也又與外君如使
如同并之再加公如共四十九則七七之數也凡王正月六并
時月四而十其月三與王正相倍半也并之而十三又與王月
相倍半也書時十八與不書時同也

公子遂如京師

按公子如京師猶公如京師也君朝而卿聘尊王之大事也公

大賓也公子大客也外來者書朝書聘而內止皆書如不敢必其成事敬之至也

公子慶父如齊

公子友如齊

冬公子友如齊

公子遂如齊

僖二十八

冬公子遂如齊

公子遂如齊

宣元

夏六月公子遂如齊

按內大夫凡如不書事皆聘也而公子如猶詳於齊同方岳之

鄰且甥舅也分之則慶父友遂三人一如二如四如相倍半也

一時月二時四不書亦相倍半也

秋公子遂叔孫得臣如齊

按此亦公子如齊也而加叔孫固同如為異并前共八若除夏六月之如為至黃乃復則仍七也

公子翬如齊逆女

公子遂如齊逆女

按逆女公親之正也公子代逆非禮也蓋又以備公子親迎之禮為故倍公也

冬公子友如齊嫁盟

按涖盟結好也質之於神永以為好之意也

公子遂如齊納幣

按甥舅之親始於結好定於納徵成於親迎共公子有事如齊回与止書如齊相信孚也其逆女二涖盟納幣各一与遂二

翬友各一互備也共公子如齊十二若除夏六月之至黃乃復則如齊止十一也再除与叔孫同如則公子一人如齊止十也

公子遂如晉

按止書如晉聘也蓋止書公子如齊也之七一也

冬十月公子遂如晉葬晉襄公

按異姓以昏禮為大同姓以葬禮為大公子以貴屬不必皆大夫而親親則加戚矣故於晉事書葬也

公子遂如京師遂如晉

按此亦公子如晉也而二如為異凡公子如晉共三為公如晉之七一實五一也其互如各不同而人同又与如齊異且於齊

為四一也若除一名二如又六一也

冬公子友如陳

秋公子友如陳葬原仲

按友之於陳二如一葬與遂於晉同而葬大夫為異如陳不書蓋親迎也傳失記耳原仲不書族蓋亦陳公子為友之舅公不貴屬其外姻與國相通故得以君命會葬且以備公子甥舅之凶禮也

公子遂如宋

按如宋止一書與如京師同共如不書事者十二而遂八與友三輦一相倍半也齊八與京師宋晉陳相倍半也若除一人二如與二人同如則十也再除六月之至黃乃復則九也皆公子遂也

公子遂如楚乞師

按如楚一與京師宋同而加書乞師為異公再如楚鎮撫之道也公子一如而言乞師蓋若武王之用庸蜀羌髳微盧彭濮也共公子如書事者七而輦一友二遂四相倍半也國則齊四晉陳楚各一也事則逆女二葬亦二而君大夫不同餘各一也凡公子如共二十而書公子者十九除乃復一為十八與公如之三十九三十八三十七皆相倍半也再除書事之如七與同如之公子一則聘如與諸如各十也人則遂十三友五輦慶父各也

公孫教如京師

按公孫如京師一猶公子如京師也然公孫之貴亞於公子故

弔王之崩使公孫也朝聘賓禮也弔葬喪禮也皆王事之大者
乃公如而因乎會伐秦公子如而無聘乎晉公孫如而不至則
凡如京師者可知矣春秋之借事以備義類如此

公孫敖如齊

冬公孫歸父如齊

按公孫如齊與公子如晉同

公孫歸父如齊葬齊惠公

按公孫如齊葬與公子如晉葬同凡公孫如齊三於公子如齊

四七也

夏公孫敖如晉

公孫歸父如晉

公孫嬰齊如晉

按公孫如晉與公子如晉公孫如齊皆同而有不同者三如有一人二人三人与二葬一兼如之異也

公孫教如莒瑯盟

公孫嬰齊如莒

按教之泣盟公也嬰齊之親迎私也故或詳或不詳而以備義則一也與公子如陳同亦互見也又與夫人如莒同

夏公孫茲如牟

按莒外屬國也牟內屬附庸也莒二年一相倍半也茲之如牟亦逆女也親迎為大禮公尊故正書之公子微故微假代逆以見義公孫加微微乃但書如而不著其事也凡公孫如共十除不至一而九皆半公子也再除盟葬而七更除莒牟之私如則聘大

國之如與諸如各五也人則教四歸父三嬰齊二茲一也

六月叔鞅如京師葬景王

按叔雖族而書行蓋與蔡叔許叔之叔同義則君弟之貴稱也亦書如京師猶公子公孫也加書葬王喪以葬為重尤莫重於葬王也而朝聘弔葬禮亦備於京師矣

叔老如齊

冬叔還如齊

按叔如齊二一聘一葬也而還之會葬又在月下為異

夏叔弓如晉

叔弓如晉

按叔如晉亦二而皆弓與老還異其齊晉皆二如與公孫皆三如相似也

秋七月叔弓如宋葬宋共姬

春王二月叔弓如宋葬宋平公

按叔如宋二与如晋同而皆葬為異又以備甥舅之親之義也

故皆書時月

夏叔弓如滕

按此亦會葬也而葬在月下与還如齊同

叔還如鄭隸盟

按猶公子公孫如齊莒莊盟也

冬叔弓如楚

按并公与公子如楚而四猶夫人与公孫如莒四也凡叔如共
十与公孫同其滕鄭楚各一与齊魯宋相倍半也此又葬如与

諸如各五也人則弓六還二老鞅各一也

夏仲孫蔑如京師

按仲孫叔孫季孫為列孫蓋皆公曾孫之稱祖廟未毀於公猶有服屬則猶為貴戚也蔑之如京師與公子相似而又有不同

秋仲孫臯如齊

按仲孫如齊一又略於叔矣而一聘同也

仲孫羯如晉

冬仲孫羯如晉

按仲孫如晉二亦與叔同

仲孫蔑如宋

按仲孫如宋與公子同凡仲孫如共五於公孫與叔皆相倍半

也而五如皆聘則同

夏季孫斯仲孫何忌如晉

按二孫如晉與公子叔孫如齊同并前仲孫如共六蓋晉二為
倍齊宋三則并京師分也又公子除二人如為絀仲孫加二人如為
贏也

叔孫得臣如京師

二月叔孫得臣如京師

叔孫豹如京師

按叔孫如京師獨三亦贏絀之數也故季孫獨不書如京師也
惟三書故得臣二豹一矣不書時二書月一矣書月為葬襄王
故與葬景王同而葬在日下又與叔之葬齊滕二公相似凡如

京師共八君一臣七除公孫不至則叔孫與公子與叔與仲孫分也

秋叔孫僑如如齊

叔孫州仇如齊

按叔孫如齊二聘與公孫同

秋叔孫僑如如齊逆女

按如而逆女共四皆齊也君一臣三公子與叔孫相倍半也

叔孫婁如齊踰盟

按如而踰盟共四而齊二與鄭皆分也叔孫如齊共四聘二與逆女踰盟分也僑如二與州仇婁分也加得臣與公子同如齊則五也

夏叔孫豹如晉

冬叔孫豹如晉

春叔孫豹如晉

春王正月叔孫婁如晉

按四如皆聘而婁獨書王正蓋以被執異也

九月叔孫婁如晉葬魯平公

按書月与葬景王同并前如晉共五

叔孫豹卽世子巫如晉

按此亦二人同如并前共三晉二齊一也而外世子又異其六人則叔孫二仲孫季孫与公子外世子各一也并前如晉共六蓋借如京師而半公子如齊也

叔孫豹如宋

春叔孫婁如宋

按如宋二与叔同雖不書事要皆因伯姬而有甥舅之親也

冬叔孫豹如邾

按邾為小國且內屬叔孫為內鄉無緣下聘當亦為鄉未幾而

親迎耳傳亦失之文當与友行父如陳茲如牟嬰齊如莒同義

凡叔孫如共十六除外世子同如一而十五則三倍仲孫也若

不更除加內公子同如一則又十七亦為三倍仲孫羸糾之數也

季孫行父如齊文十八

夏季孫行父如齊

季孫行父如齊宣十

按季孫如齊三与公孫相似

秋季孫行父如晉

春季孫行父如晉

季孫行父如晉

冬季孫行父如晉

夏季孫行父如晉

夏季孫宿如晉裏九

季孫宿如晉裏十九

季孫宿如晉昭二

夏季孫宿如晉昭六

季孫宿如晉裏六

誤脫補

季孫意如如晉

按季孫如晉十一半公如晉也加斯與仲孫同如一為十二則

與公子如齊同乃行父宿各五意如斯各一也故如齊三又與

公子如晉同蓋互文也

夏季孫行父如宋致女

季孫行如宋

按如宋二與公子如陳相似一書致女亦以備義且與叔與叔

孫如宋同也

夏季孫行父如陳

按与友如陳同并茲如年嬰齊如苦豹如邾共五皆親迎也公孫獨二故叔与仲孫不書羸絀之數也公雖不親迎必書逆女尊君夫人也大夫雖親迎止書如非公事也猶書如重親迎成男女也君必即位大夫必受命然後親迎所以重嫡也并前逆女四凡君臣逆女共九

秋季孫宿如衛

按魯衛以同姓鄰好交聘必數而皆不書略之也特書如衛既以備義蓋亦与涖盟相似但為大夫之私交耳凡季孫如共十

八為仲孫并同如之三陪也若加同如一為十九則与如書公子同總公族之如其八十公子公孫叔与三孫分也然如雖各四十而公子絀一則實三十九也三孫加得臣与公子同如及季仲同如為羸三則又四十二也故公族之總如除外世子巫書名者共八十一九九之數也

冬單伯如齊

按伯猶叔也而加書單而不名則雖亦公族而為命卿特筆也凡内大夫如共八十一惟單伯不名与君惟鄭伯名互見也其書名者公子公孫叔与仲孫季孫皆四人也惟叔孫五人而外如書名亦四也其不書名者外公侯伯共四并單伯而五也凡

公如三十八并外公侯伯及單伯如不書名者四十三与外君
世子大夫及内大夫如書名共八十五相倍半也若以公如并
夫人如亦四十三与内外大夫及外君如共八十七亦相倍半
也總如百三十除公至河乃復六鄭伯未見諸侯公子遂至黃
乃復公孫敖不至而復則實如百二十一也如京師者八如宋
亦八宋為上公爵尊与内公同也如齊四十三除公子乃復一
為四十二如晉四十九除公乃復亦四十三猶如京師除公子
復一而七也故如楚莒皆四也如陳又与如會皆三也衛紀鄭
曹滕邾牟及師各一也若除會三師一為百二十六其如齊師
一雖師而仍齊也并除之則百二十五再除京師八則列國書

如共百十七也如無有書日者義不係於日也時月十五而王
正七蓋王正為重故王月猶二也其餘月六時五十五^王不書時
者五十五也

至

春公至自齊

夏公至自齊

五月公至自齊

公至自齊^莊二十三

公至自齊^宣九

公至自齊^昭二十七

秋公至自齊

十有二月公至自齊

三月公至自齊

公至自齊^宣四

公至自齊^宣九

公至自齊^昭同上

按如必有至如者往也至者止也而義又不止此蓋指所如言至者其至在外也既如而又言至其至在內則以成禮而返為終事也夫兩國之交好則玉帛不好則于戈其幾微矣而況其在師中乎故凡言公至幸之也亦危之也又言自某詳其事也所以著之也公至自齊十二書月與時分不書者又與月時分也

丁酉公之喪至自齊

按此亦公至也而以喪書則所以書至之之故愈明矣并至自齊共十三而首以喪書且喪尤危不得至也

春王正月公至自晉

春王三月公至自晉

秋七月公至自晉

春公至自晉文四

秋公至自晉

春公至自晉襄五

春公至自晉襄十三

夏公至自晉襄二十一

夏公至自晉昭十六

公至自晉成三

公至自晉成十八

公至自晉襄三

公至自晉襄八

按公至自晉視齊加一而并公喪則同也書時月三王二正一

也亦春二秋一也時六則春三夏二秋一也不書者四

夏五月公至自楚

九月公至自楚

按除公喪至則并齊晉楚共二十七至也

冬公至自唐

秋公至自穀

春公至自乾侯

公至自及

公至自夾谷

公至自黃

按公至以地名者六地亦國類也并齊晉楚三而九相倍半也

凡以地至者共三十三

春王正月公至自會成

春王正月公至自會東二十二

秋七月公至自會

九月公至自會僖十五

九月公至自會僖十七

春公至自會

夏公至自會

秋公至自會宣十七

秋公至自會成十七

秋公至自會襄三

秋公至自會襄二十

公至自會文十四

公至自會成九

公至自會成十六

公至自會襄五

公至自會襄十一

公至自會襄二十四

公至自會昭十三

公至自會定十四

秋公至自會哀十三

公至自會成七

公至自會成十五

公至自會同上

公至自會襄十

公至自會襄二十二

公至自會襄二十五

公至自會昭二十六

按公至自會共二十七与至自齊晉楚同再加至自諸地名六

共六十也會非地也人衆成會則以人為主也

秋七月公至自伐鄭

秋七月公至自伐秦

二月公至自伐鄭

十有一月公至自伐鄭

五月公至自伐齊

八月公至自伐楚

秋公至自伐衛

冬公至自伐鄭

夏公至自伐戎

秋公至自伐萊

公至自伐齊傷

公至自伐齊襄

公至自伐鄭襄

公至自伐鄭襄

按公至自伐共十四半至自會也

公至自侵鄭

公至自侵齊

三月公至自侵齊

按公至自侵共三猶至自伐也并之而十七与齊晉楚諸地名相倍半也

公至自圍許

公至自圍成

十有二月公至自救陳

按公至自圍二叙一皆以備義并伐侵共二十再并前至自共八十一也

夏六月癸亥公之喪至自乾侯

按公喪至二至自乾侯亦二則与至自楚同總公至自共八十加公喪為八十二其以國地名至自者為三十五若三十三也

也

夫人姜氏至自齊

三月夫人姜氏至自齊

按夫人至自二備義也除公喪并公至自亦八十二也

十有二月丁巳夫人氏之喪至自齊

按夫人喪至自一并公喪至自而三亦備義也

三月遂以夫人婦姜氏至自齊

九月僑如以夫人婦姜氏至自齊

按此亦夫人至自也而加以為異并前夫人至自共五皆齊也

并公夫人至自共八十七

單伯至自齊

按內命卿至自一故不名并前公夫人至自齊共二十除喪三為十七再除以二則十五也

叔孫婁至自晉

按內大夫屬族名至自一亦備義也

春意如至自晉

按內大夫名不書族至自一凡內臣至自三皆特筆也并以二名不書族亦三再加之而內臣亦五也并前公至自晉共十五總至自共九十也

春王正月公如晉至河

冬公如晉至河

昭二

冬公如晉至河

昭二十三

公如晉至河

昭十二

公如晉至河昭十三

公如晉至河昭二十一

按此六至皆貫如言之見如之必有至也而義亦不止此蓋連公言至者必兼言自以所至在內義重於自也其僅言至者無有連公言者也則途律而至止者也至河共六河其限也

公追齊師至鄆

公救成至遇

按追至救至各一皆備義也并如至而三河水也鄆山也遇則邑也所至亦三也凡公至共八并前公至自為九十除公喪為八十八也

夏六月公子遂如齊至黃

按公子如至一并公如至共七

歸父還自晉至筮

按歸父不書公孫而至書還自亦以特筆備義也凡內大夫至共二并前內大夫至自共七而名不書族者四也總內君臣及夫人至共百

晉士甸帥師侵齊至穀

按國族名帥師侵至一并內大夫至而三又與公追齊師互文見義并內君臣至十共十一再加至自共百一也

公孫教如京師不至

按凡止書至者皆不至也而獨於公孫教書不至教之始如即志於不至因以備義也總至百一而又有不至一并之共百二

也而書時月日一月日一日一皆喪也王正月四五月一
日共八也餘則時月六月十六時二十六不書者四十六也若
并王月於時月共十一也

自

夏五月公自京師

按自者所從來也原發初而言之也公自京師則上公奉王命
而出故下書遂會列侯而伐也

六月衛侯鄭自楚復歸于衛

按公自內而出侯自外而歸互文見義也故侯名下於公也自
楚復歸事畢而後歸也云復歸則屏衛蕃宣不遑寧處矣并公

自共二皆君也

秋八月蔡季自陳歸于蔡

按蔡季者國之庶子公侯母弟貴次於君者也自陳歸則亦必以王國之事既畢而歸也陳者同方岳之鄰與蔡又邦相交也陳侯之弟黃自楚歸于陳

按陳侯之弟名未以名聞於王也自楚歸亦與自陳歸同而異者以楚爲六服外止以揆文奮武非邦交之比也

夏衛孫林父自晉歸于衛

衛公孟彊自齊歸于衛

按公孟名公族之長也孫名猶公孫之貴也而其自歸一齊一晉皆岳伯大國也

宋華元自晉歸于宋

按華元亦宋卿之貴族也自晉歸猶孫林父也

衛元咺自晉復歸于衛

按衛元咺猶宋華元也而自晉獨書復歸蓋與衛侯之自楚復歸相似君勤王事臣勞國事也并前臣自共六蓋皆主外臣使事而言以不辱君命而歸為善也

夏四月楚公子比自晉歸于楚

按楚公子名之自晉歸似猶蔡季陳侯之弟也而獨書公子者以連下書弒君也故其書時月與蔡季同以皆有君道又非諸臣自歸比也然除元咺復歸則并前諸臣自歸亦六也再加之

復歸二則八也

夏魯公孫會自夢出奔宋

按有自歸即有自出侯弟公子自歸而公孫自出互見也自夢出奔舍其都邑而去也

宋華亥向寧華定自宋南里出奔楚

按二族三卿共出亦備事也自宋南里出奔舍其田里墳墓宗廟而去也并公孫出奔共二

宋公之弟辰自蕭來奔

按有自由奔即有自来奔其公弟亦与侯弟公子公孫互備也而自蕭又与宋南里以叛同其為附庸或与夢同并出奔共三

秋鄭詹自齊逃來

按鄭詹以國名又書自逃來似猶自來奔也而實與自歸義相近而又相反迷辱命也并自來奔共二

秋莒去疾自齊入于莒

按有自出必又有自入然自歸順而自入逆故凡自入皆爭叛詞也莒去疾與鄭詹相似而又不同去疾爭國也

秋宋樂世心自曹入于蕭

按國族名自入與國名相似而亦不同則爭叛之別也不書叛以從叛略止為亂耳

宋華亥向寧華定自陳入于宋南里

按此自入仍于宋与去疾于莒相似而二族三卿又加書南里則爭叛之別也

春宋公之弟辰及仲佗石弼公子地自陳入于蕭

按蕭為宋屬附庸則猶宋南里也其四卿亦与三卿同先出奔後自入并聯世心而三皆同也并前自入共五

鄭良宵出奔許自許入于鄆

按此亦自入也而連書出奔下為異并前共十八除此自入不係爵行名下則十七也共人名十九并不名二為二十一加重名則二十五也

春王正月公至自會成

春王正月公至自會襄
二十二

秋七月公至自會

九月公至自會僖十七

夏公至自會

秋公至自會成十七

秋公至自會襄二十

公至自會文十四

公至自會成九

公至自會成十六

公至自會襄五

公至自會襄十一

九月公至自會僖十五

春公至自會

秋公至自會宣十七

秋公至自會襄三

秋公至自會哀十三

公至自會成七

公至自會成十五

公至自會成同上

公至自會襄十

公至自會襄二十二

公至自會襄二十四

公至自會襄二十五

公至自會昭十三

公至自會昭二十六

公至自會定十四

按凡會伐歸奔來入有所自者先書自皆詳其發初也其他後言自者則又為本今追溯之詞此立文先後之辨也公至自會二十七若并前公自京師遂會伐為二十八而義不同

十有二月公至自齊

五月公至自齊

三月公至自齊

春公至自齊

秋公至自齊

夏公至自齊

公至自齊莊二十三

公至自齊宣四

公至自齊宣九

公至自齊宣十

公至自齊昭二十七

公至自齊昭同上

夫人姜氏至自齊

三月夫人姜氏至自齊

三月遂以夫人婦姜至自齊

九月僑如以夫人婦姜氏至自齊

丁酉公之喪至自齊

十有二月丁巳夫人氏之喪至自齊

單伯至自齊

按至自齊共十九并前自齊三而二十二也

春王正月公至自晉

春王三月公至自晉

秋七月公至自晉

春公至自晉四丈

秋公至自晉

春公至自晉五襄

春公至自晉十三襄

夏公至自晉二十一襄

夏公至自晉十六昭

公至自晉三成

公至自晉十八成

公至自晉三襄

公至自晉八襄

叔孫婁至自晉

春意如至自晉

按至自晉共十五并前自晉四而十九也

夏五月公至自楚

九月公至自楚

按至自楚二并前自楚二而四也

春公至自乾侯

夏六月癸亥公之喪至自乾侯

冬公至自唐

秋公至自穀

公至自凡

公至自夾谷

公至自黃

按至自各地共七并前至自齊晉楚共四十三若并自陳三自宋曹許蕭夢各一共十五也蓋合乾侯與陳而五餘十則相倍半而自與至自又分也

秋七月公至自伐鄭

二月公至自伐鄭

十有一月公至自伐鄭

冬公至自伐鄭

公至自伐鄭

公至自伐鄭

五月公至自伐齊

公至自伐齊傳

公至自伐齊襄

秋公至自伐衛

秋七月公至自伐秦

八月公至自伐楚

秋公至自伐萊

夏公至自伐戎

公至自侵鄭

公至自侵齊

三月公至自侵齊

公至自圍許

公至自圍戚

十有二月公至自救陳

按公至自伐侵圍救共二十并前至自會二十七共四十七也

會雖軍禮至帛也餘則干戈矣

公還自晉

按有至自而又有還自者至已至也還而言自則猶在途而未至也并前公至自共八十一加公自為八十二也

歸父還自晉

按內大夫還自一而名不書族与意如同加遂僑如而回也并前公還自君臣各一也又皆自晉并前至自晉十五為十七再并自晉則二十一也

曹伯歸自京師

按還自據內而言也若歸自據外而言也故亦与至自相似而不同又与自歸義相似而不同特書曹伯外君也歸自京師不名尊王命也故其自京師与公同并之而二其歸自亦与衛侯之自復歸互見而名不名各異也蓋公侯伯書自各

一皆互文備義也凡侯伯書自二并公自八十二共八十四皆君也若加蔡季單伯不名除衛侯名則八十五也若加夫人自燕公喪夫人喪自除季伯非君而不除衛侯則九十也其大夫自二十若加遂僂如為二十二除季伯不名亦二十也其自歸六自復歸二并歸自一共九也總自百一十一凡自京師二并齊晉楚四十七宋陳曹許六乾侯夾谷唐穀夏苦蕭夢九以地者六十四也凡書時月日一月日一日一皆喪也王正三與書日同主月一并王正而四餘時月八與王正王月相倍半并之共十二加日為十五也月十六時三十不書時者五十也

復

春王正月公如晉至河乃復

冬公如晉至河乃復

公如晉至河乃復

昭十二

公如晉至河乃復

昭十三

公如晉至河乃復

昭二十一

按復者復其故處也凡有所如者皆非其故也必復而後仍得尋其故則如而至河為其際也冬者復之時也王正者復之道也故皆一書之三不書時如至而復其常事也

冬公如晉至河有疾乃復

按六復之至河同而其一加有疾者蓋刺而後復天之道也凡公六復皆晉也晉進也

夏六月公子遂如齊至黃乃復

按公子与公異故至黃為氣至而復亦与河異并公復共七來復之數也而公子獨如齊且於夏六月蓋夏六月者復之始事也齊中也

公孫敖如京師不夏而復

按不至而復非常復也蓋以志變亦備義也京師者大衆之所也總復共八公六公子公孫各一蓋皆以公見義也而文皆係如而不係復則復由於如也

還

公還自晉

按還与復異有左右之別故有周折之殊固有方圓之度公還

必自晉者進極而還周而復始公之道也

歸父還自晉

按歸父名不書屬族蓋亦不止此義凡物以老而歸父者老也
還則歸之道也故與公還皆自晉也

秋師還

按師還者衆還也萬物至秋而老故同歸也不言所自有主之
者也

晉士句帥師侵齊至穀聞齊侯卒乃還

按此國族名帥師俱還也聞卒乃還文與乃復相似而有內外
之別未還之前或如或圍或侵既還之後或至或奔亦有與復

相近者故復八而還四相倍半也

歸

曹伯歸自京師

按曹伯不名義取牧伯之伯猶長也古者外公侯伯有賢德者皆可迭為方伯沒則已不世歸与至相似而不同公為王臣不敢以京師為己家故公言自京師會伐且至之而不言歸外公侯伯各以其國為家故惟有事於京師而仍歸自京師也止書自京師以王事為大也蓋曹猶豎也衆也曹伯歸大朝會而歸也故不更云于曹也歸也者禮成而歸也王与公皆不言歸至尊無外止當為人所歸也

衛侯鄭歸于衛

蔡侯廬歸于蔡

陳侯吳歸于陳

按三侯書名蓋三年喪畢以士服入見之禮也皆書爵歸於其國則受王命而歸也歸有三國備一州之盛也并曹伯之歸君歸共回也

晉趙鞅歸于晉

按國族名亦書歸大國之聘於王者客有異姓卿不必皆公子公孫也

突歸于鄭

赤歸于曹

按既不書國又不書爵并不書族而止書名則賤也而亦書歸

蓋亦假以備小國聘使之義也凡名歸共六并不名而七也

甲午衛侯衎復歸于衛

曹伯襄復歸于曹

按侯伯名復歸各一蓋皆以勤於王事故多往復也皆名尊王命也蓋不名者惟上公方伯也

鄭世子忽復歸于鄭

按世子下於君君老不任事則代君父者世子也故復歸与侯伯同亦備義也并之而三亦与歸相倍半也

秋八月蔡季自陳歸于蔡

陳侯之弟黃自楚歸于陳

衛公伋馮自齊歸于衛

夏衛孫林父自晉歸于衛

宋華元自晉歸于宋

夏四月楚公子比自晉歸于楚

八月衛侯鄭自楚復歸于衛

衛元咺自晉復歸于衛

按伯歸不名尊伯也故雖自京師亦先言歸而後言自餘則雖復歸不書自天子當陽諸侯用命正也可不詳也若其他書自者皆先自而後歸蓋又皆治外之事所以別於治內也要之外事亦內事也即諸侯之邦交亦以尊王也此自歸六自復歸二與歸自一而九并前歸不書自者共十八其數分也細析之則歸自一自復歸二復歸三總復歸共五歸與自歸皆六歸自與歸共七自歸與自復歸共八也其君臣名不名又各有數焉

字子來歸

按此特筆也而不名與蔡季相似內外詞也加子為異歸不書

所自而加書來蓋亦內外詞也

陳侯逃歸

鄭伯逃歸

按逃非尊者之事而侯伯各一且不名蓋以盡變也故其不名與魯伯同而義不必同也并二季而不名者五若并爵名六則爵九而不名三相倍半也并前歸共二十一皆於歸者自主之文也

以蔡侯獻舞歸

以曹伯陽歸

以許男斯歸

按侯以敗歸伯以入歸男以滅歸皆六版內之君也以歸者臣虜詞也

以潞子嬰兒歸

以沈子嘉歸

以頓子輝歸

以胡子豹歸

按此皆滅以歸也而皆子爵皆六服外之君也并侯伯男皆書名蓋皆假折首之詞以著王征正邦之義

以夔子歸

按夔子獨不名略之也蓋舊國詞也并前子爵名以歸共五實則此子不名并侯伯男名又与子名四分也

我伐凡伯于楚丘以歸

按此伐以歸猶諸舉爵以歸也而文不同者敗在師入滅在國若凡伯來聘則在行道雖有徒衆亦非師也而又王官也其不

名与獲子相似蓋亦与祭叔荆人之聘均不書使同也并前國
爵之以歸共九

晉人執莒子邾子以歸

按此亦以歸也而加執討罪詞也而一執二子皆不名討罪下
於訊俘也二子不名并獲子而三其以君歸并前共十爵則十
一又子七名亦七也

晉人執季孫意如以歸

按此亦執以歸也而与二子有君臣内外名不名之別要皆假
以見義也并戎伐王官以歸共三

執藥世子有以歸

按此亦執以歸也而以滅殺為異并前執以歸共三再并君之以歸九共十二其世子名以歸亦并復歸而二也

晉人執衛侯歸之于京師

晉侯執曹伯歸于京師

晉人執我嬖子赤歸于楚

按執歸共三侯伯子各一而侯伯不名子名且我嬖也又晉人二而晉侯一也歸于二而歸之于一也并執以歸三而六若止并莒子邾子則執君五而歸四又子三而不名二名一也

歸邾子益于邾

按此內歸之也其歸國與三侯名相似而歸之權在內則又與三執歸相似并君爵名歸共十五加不名九而二十四也

齊人歸公孫敖之喪

按此為歸喪而詳公孫名則亦猶歸人也并世子二及諸臣名共十三加不名二而十五也總歸共三十八而莒邾二子同執則人當三十九然公孫敖為喪則實仍三十八也其不名者十人則書名二十八加公孫敖為二十九也凡書日一時月二月時各一其不書時者三十三也

春紀季姜歸于京師

按婦人以嫁為歸而不能自主則歸之者父母兄弟也外女外歸以王后為尊故一書以備義

王姬歸于齊

冬王姬歸于齊

按此亦外女外歸也而王姬為貴并王后共三相倍半也而餘可該矣

冬十月伯姬歸于紀

伯姬歸于紀

二月伯姬歸于宋

春王三月叔姬歸于紀

季姬歸于鄫

按內女外歸五与王姬相倍半也而伯姬三詳長子也

春王三月紀叔姬歸于鄫

按叔姬亦內女而加書紀則已為外夫人矣雖非嫡繼室而廢猶夫人也此內女兼外夫人而歸者也并前伯三叔二季一相次也叔姬雖有書紀与不書之別而實止一人故並書春王月

以表之又即伯姬之膳故皆書時月以著之并前內女共六与

季姜王姬相倍半也

夫人姜氏歸于齊

按內夫人亦言歸外女也与紀叔姬異者夫人之歸雖非出而實与出同也并前歸共十

秋鄆伯姬來歸

春王正月杞叔姬來歸

按內女來歸出也猶夫人歸也并之而三又与紀叔姬之歸相似而實不同

十有二月齊人來歸子叔姬

按此亦与出同而叔姬以書子為異且來歸先書齊人義又不

同并歸死二姬來歸共三加季子而四也凡内外女夫人歸共十三蓋男子歸三分之一也

秋七月夫人姜氏薨于夷齊人以歸

按夫人薨而齊人以歸是以喪歸也不言喪不成乎喪也此内夫人而外以歸也

春王正月杞伯來逆叔姬之喪以歸

按叔姬既出則亦不成乎外夫人猶内女也而杞伯以喪歸又内女而外以歸也并内夫人以歸共二加男子以歸十二而十四也若并公孫之喪則亦喪二薨一實喪三也總内外君臣男女之歸共五十三除薨喪三而五十也

秋七月天王使宰咺來歸惠公仲子之冒

秦人來歸僖公成風之襚

按歸本以女女人之詞因女子以嫁為歸故又借為凡出而反者通稱更因歸人及於歸物而歸之為訓乃與饋者送通矣冒襚皆助喪物也而係之於惠公仲子僖公成風則物又因人而及者也故冒^冒襚之歸雖以物著而通之於諸喪則^仍當以人為本也惠僖二公皆諡君也與成風諡小君相倍半而三也仲子舉行并姬之伯叔季五而六加子叔姬與叔姬之喪而八再加內外女夫人八而十六再加成風共十七也惠僖二公虛數也并君不名共十九又著公稱二則并君之名不名又二十六也

蓋冒禭并薨喪而五總歸共五十五若并虛實人數又五十八也

天王使石尚來歸賑

按冒禭喪禮也祗吉禮也并前天王使來歸共二

冬齊人來歸衛俘

按俘軍禮也皆互見也并前來歸共四

三月鄭伯使宛來歸郕

按郕地也鄭伯使与天王使相似天王二而伯一也

齊人來歸郕諸龜陰田

按田与地類而來歸与俘相似則齊人二而秦人一也加子

叔姬共人來歸四并前來歸共十也

春晉侯使韓穿來言汶陽之田歸之于齊

按此為侯使并前來歸共四又與來歸田相似然止來言則田雖終歸而猶未歸也其歸之于亦與執衛侯相似但來與歸究為異事耳并前來歸共十一

春王正月王使榮叔歸舍且冒

按凡歸物無有非來者其不言來乃先請而後歸故因以為別也而王使并天王使共三若并侯伯使亦三總使共五也其舍且冒并冒禭亦三析之又冒二舍禭各一也并薨喪之歸共六皆喪禮也

齊人歸讙及闡

按讙闡亦地与邠同而邠一讙闡二運讙龜陰三地多少相差又田与邑異又讙重出也其歸讙及闡又与歸舍且冒文相似也

齊人歸我涕西田

按涕西与汶陽龜陰同而水二山一又從二橫一也凡歸田与歸邑各二而并來言歸之田共五則使歸二人歸三又齊人歸二而來歸一也其歸又王使一而齊人并公孫喪而三共外歸不言來者四也

夏歸粟于蔡

按歸粟為致禴之禮亦內歸也并汶陽田而二加邾子益而三
若更加姬歸五而八并歸地與物共十加來言之歸為十一魏
人物田邑并喪葬之歸共六十四其歸于二十八加歸之于二
并歸邾子歸粟亦書于二為三十二則歸于為六十四之半也
細析之則歸其本國者衛君臣各三蔡陳君臣皆各一又曹君
宋晉國族名鄭世子楚公子各一共十五也若加邾子益為十
六否則除邾子加突赤為十七俱與三十二相倍半也邾子非
能自歸也突赤皆不係國也若不除為十八更加京師三齊四
紀二宋杞鄭鄭楚蔡各一而三十三亦與六十四也相倍半凡書曰一
餘則時月十月四若二七也時七不書時者四十二為六七也

并之為九七皆相傳事也

來

秋七月杞侯來朝

冬杞侯來朝

杞伯來朝

莊

杞伯來朝

文

杞伯來朝

成

秋杞伯來朝

秋曹伯來朝

夏曹伯來朝

夏五月曹伯來朝

曹伯來朝

按如外而來內故來以接我者言來本穀名其熟當陽氣全盛之時故喜其來也凡於來皆當小讀蓋來其意也朝其事也侯伯之來朝共十侯朝二與時月同其書時與不書各四又與杞

曹二伯同也

秋滕子來朝

滕子來朝襄

春鄭子來朝

春杞子來朝

夏六月邾子來朝

夏邾子來朝

邾子來朝元

夏小邾子來朝

春小邾子來朝

滕子來朝桓

滕子來朝哀

秋鄭子來朝

春王正月邾子來朝

八月邾子來朝

秋邾子來朝

邾子來朝襄二十

秋小邾子來朝

小邾子來朝

按子數獨多故十八當來朝之半其滕四邾二杞一以次相倍
半并之而七又與邾七同再并之為十四共二七也小邾本與
邾相倍半而數與滕同猶伯之杞曹也若除小邾并侯伯則杞
紀曹與小邾四國與滕邾杞邾同其數十四亦周而杞備侯伯
子三爵國數亦七實四七之一也其時月二月一時九不書時
六亦以次相倍半相并分也

鄧侯吾離來朝

夏穀伯綏來朝

按以下來朝皆備雜義也此爵名來朝二而侯并前而三伯并
前而九

秋邾黎父來朝

按鄭即小邾而書字与名相倍半附庸亦与侯伯互見也

春滕侯薛侯來朝

按二侯同來朝一并前三侯共五而來朝^止四与伯九俱相倍半也

邾人牟人莒人來朝

按三人同來朝一并黎父為四附庸也

冬曹伯使其世子射姑來朝

按此亦伯來朝之異事也并前伯來朝共十名來朝共三

使鄭子來朝

按并前使來朝共二子來朝共十九与人數三十九相倍半也

此与文成年杞伯來朝二皆親迎也不書逆女而書來朝外來者以朝為重王制也

杞伯姬來朝其子

按此來朝加書杞伯姬重主之者也并前來朝共三十六而有二侯三人同朝則朝雖止三十六而來朝人數實有三十九若更加杞伯姬又四十也凡書時月四月一時則秋七春夏各四冬二不書者十四無書日者餘俱詳邦交義

秋天王使王季子來聘

冬天王使宰周公來聘

夏天王使宰渠伯糾來聘

冬天王使凡伯來聘

春天王使南季來聘

天王使冢父來聘

天王使任叔之子來聘

春宋公使華元來聘

宋公使華元來聘

春宋公使向戌來聘

夏宋公使華定來聘

齊侯使其弟年來聘

冬齊侯使其弟年來聘

齊侯使國歸父來聘

齊侯使國左來聘

春齊侯使慶封來聘

冬十有一月晉侯使郕郕庚來聘

晉侯使士燮來聘

晉侯使郤犇來聘

晉侯使士句來聘成

晉侯使郤蜚來聘

晉侯使士句來聘襄

夏晉侯使士魴來聘

晉侯使士鞅來聘

夏晉侯使郤吳來聘

春晉侯使韓起來聘

夏晉侯使士鞅來聘

冬衛侯使公孫剽來聘

衛侯使甯俞來聘

衛侯使孫良夫來聘

冬十月衛侯使孫林父來聘

春陳侯使女叔來聘

夏鄭伯使公子發來聘

秦伯使術來聘

春王正月楚子使蔣罷罷來聘

冬楚子使萊萊來聘

吳子使札來聘

祭叔來聘

荆人來聘

按朝聘之分君臣之辨也故王季子雖貴而來聘曾世子雖微而來朝以世子有君道則嫡庶之辨也世子名而季子不名則貴賤之辨也來聘共三十九其來之道与朝同而若若加勤也聘

以名來者三十與朝以爵來相似朝除二侯同來其數三十若
除書名二而加二侯則爵不名者亦三十也朝書使來者二聘
則不書使者亦二也蓋聘之來雖多於朝而其人數固同也餘
俱詳邦交義

春王正月郕伯來奔

秋七月莒子庚與來奔

春王二月邾子益來奔

宋司城來奔

宋子哀來奔

宋公之弟辰自蕭來奔

夏宋華弱來奔

春衛公叔戌來奔

夏衛北宮結來奔

冬齊慶封來奔

夏齊樂施來奔

夏齊國夏及高張來奔

夏邾界我來奔

邾快來奔

邾庶其以漆閭丘來奔

冬邾黑肱以濫來奔

夏莒牟夷以牟婁及防姁來奔

邾子來奔喪

按奔而來來之急速者也來奔本共十七加來奔喪而十八与

來朝相倍半也而及來奔為一來二人實共十九人則又与朝

聘人數俱相倍半也共時月三而春月二秋月一相倍半也時

九而夏六冬二春一俱相倍半也不書時者六無不相倍半也

餘詳前奔

季子來歸

秋邾伯姬來歸

春王正月杞叔姬來歸

按歸者來之終事也直言來歸皆自主也而男一女二行序伯叔季以互見焉

秋七月天王使宰咺來歸惠公仲子之冒

天王使石尚來歸赙

三月鄭伯使宛來歸郕

按使來歸三其三使皆名而書官書族与不書亦互見也

十有二月齊人來歸子叔姬

冬齊人來歸衛俘

齊人來歸鄆譖龜陰田

秦人來歸僖公成風之襚

按人來歸四与前來歸相四六也而來歸之物与人亦相四六也而時月二月二時二不書時者四亦相四六也凡來歸共十

似半來奔而有餘實與人數相倍半故於來朝來聘人數皆為
四分之一也并前朝聘奔之來共百三蓋得來數三之二焉餘
詳前歸

杞子來盟

不齊高子來盟

三月宋司馬華孫來盟

春衛使使孫良夫來盟

夏鄭伯使其弟語來盟

楚屈完來盟于師盟于召陵

按來盟本五君一臣二使二與來歸相倍半蓋盟者以信相結
向明為責故其來皆不地也其于師一著其志也于召陵則舉
地以實其事也雖于師為虛位而味六盟七重向明也蓋又來

於奔為三之一而其盟於朝為五之一也餘詳邦交義

邾子來會公

按會亦以向明為貴故所會之人常銀亦而來會者止一書且止一册書蓋亦以特筆備義也

冬十月滕子來會葬

九月滕子來會葬

天王使叔服來會葬

王使召伯來會葬

按來會葬四并前來會共五本與來盟五同而來盟加于師而六來會除會公而四則又四六為歲歲紂而與來歸皆同為倍半也其使二與來盟亦同若并奔歸盟會之來亦共三十九也餘

詳邦交義

九月紀裂繻來逆女

按逆者迎也來而與逆非一氣也故皆為陰禮也女者未嫁之稱來逆者外逆者也女必親迎而書裂繻變也

莒慶來逆叔姬

按叔女行也姬女姓也不書女而詳叔姬大夫自逆非君夫人尊卑之辨也

秋九月齊高固來逆子叔姬

按均叔姬也而加書子者已嫁而歸則非女也此子女之別也并前來逆三而國族名一國名二也女一叔姬二也君夫人一大夫妻二也又親迎二不親迎一也未嫁二已嫁一也

宋蕩伯姬來逆婦

按來逆特書婦非特有姑之詞即姑逆婦也亦禮之變也并前
來逆四要皆婚禮也

春王正月杞伯來逆叔姬之喪

按此來逆幾與親迎相似而又為國君親迎素要之喪并為喪
禮之變也凡來逆五與來會同來逆嘉禮四喪禮一來會葬禮
四會禮一又互見也

春晉侯使卻錡來乞師

晉侯使欒黶來乞師

晉侯使邴繆來乞師

晉侯使士句來乞師

按乞者氣不足也師衆也來而有乞乞而為師且皆為侯使共

衛人來併

晉人來併

齊人來併

按併送也有逆必有送逆女一而併三大昏之禮也故皆於來著之

六月齊侯來獻戎捷

按獻以捷為貴捷以戎為正侯來獻捷大獻懼之禮也衛俘亦捷類而書俘不書捷書歸不書獻且止書人則衛戎之別也

楚人使宜申來獻捷

按捷不書主名略且微也實猶衛而諱之使與我類也并歸俘而三時軍禮也而捷二俘一獻二歸一人二侯一又使一不書

四蓋來會葬相似也

秋武氏子來求尊

春二月天王使冢父來求車

春毛伯來求金

按求亦乞類乞之禮卑求之情迫也來乞皆師而來求各不同則不可例推矣車服物也尊喪費也金特質言之三來求皆王事皆上求下之詞惟一使而二不使耳

冬杞伯姬來求婦

按所求者婦且杞伯姬來皆非三求比也并之而四與來乞同蓋時月一時三既與求婦求物互見又與來乞之時一不書時

三相似也

使二衛戎皆書而宋韓不書并齊二楚一也

天王使毛伯來錫公命

按錫特典也魯本侯爵七命且世為東方大侯州牧則八命猶常職書錫公命加褒九命也極爵命之尊故書以備義

王使榮叔來錫桓公命

按來錫命與公同而此為諡公則一錫於生一錫於死亦以備命異施之義也

秋七月天子使召伯來賜公命

按賜好惠也於同姓舊勳有加禮焉親親勸功之道也并未錫命而三皆王命之大者也而伯二叔一公二諡公一與錫二賜

一同并時月一不書時二皆同也

春晉侯使韓穿來言汶陽之田

按言即聘也無事而聘者有事乃加言也故亦一書以備義并來聘為四十也

齊侯使高張來唁公

按唁喪禮也并使來錫公賜公而三加來會公而五也

夏宋公使公孫壽來納幣

按納幣昏禮之始也必來納幣而後來逆女也故亦一書使焉冬十有二月丙辰齊侯衛侯鄭伯來戰于郎

按來戰則不以玉帛而以干戈且侯二伯一動大眾矣亦一書

以備義并來朝為三十七君除三人朝而加三爵戰猶三十九
也不除則人數為四十二矣

春鄭人來輸平

按輸平者議和也其來與盟相似故亦一書以備義并來盟而
七也凡朝聘奔歸盟會逆降乞求獻納錫賜言唁戰輸以事來
者共十八君加奔喪會葬則為二十而其來共百四十也

有鴈鵠來巢

按來巢非人事也而以之紀異亦來也并人事之來共百四十
一也

祭公來

按來必有事不事事雖或有事而不成乎事即非事也且徒來也公來一并公來聘而二也

冬十有二月祭伯來

按伯於王官爵行兼備并祭伯於祭公則爵也於祭叔則行也是祭凡三來而爵亦二也行亦二也又徒來二而聘一也并王官伯來共六加伯名來一而七再加公來二而九皆王官也若除公除伯名而加外伯爵來十一為十七若不除而更加外伯爵名一為二十一或止除公二則內外伯來共十九也

冬齊仲孫來

按仲孫為公族不書名則國卿也并前公來伯來而三王官二

國卿一也又与季子來歸使王季子來聘互見也

春介葛盧來

冬介葛盧來

按介為東裔小國葛盧名者爵等附庸而位列降外之也其來二与卿黎父來朝互見也并之而三

春白狄來

按狄止加書白以別其種類而無名可書又下於介為六服外之附庸也并葛盧來而三

冬杞伯姬來

秋杞伯姬來

按伯姬之來名為歸寧而實干公事故假以見義并朝其子而三又加求婦与蕩伯姬逆婦而五也

冬齊高固及子叔姬來

按此与及來奔相似而不同并前伯姬來二亦三也

秋鄭詹自齊逃來

按此与公弟自蕭來奔相似并之而二凡外來止書來者共十

而姬來三則男女相倍半也

以邾子益來

按此內以來猶外以歸也并以歸十四共十五又与以地來奔

皆為以來而義不同并之而四若并鄭詹介葛盧來之名亦四

又并邾子益來奔為重來也

春正月寔來

按此本州公如曹而來也既如又來與既出又入相似并公來
二而三然如在隔年而來承春正月則來之義蓋以春正為重
也其來不係名爵又與迭來相似凡徒來共十二來朝三分之
一也總來共百五十三三分之為五十一者三也若除來朝三
十六為百一十七又三十九者三也其使來五十八為天王十
二天子一王二共十五也公五侯二十八伯與公同子三人一
其一則遇乃使也其使來之國齊六卑天王也加衛陳亦六則
與天王使同晉使十六合宋齊衛陳使共十七又與十五相次
并之為四十八也合曹鄭秦楚吳使九又與合宋齊衛陳相倍
半也實則除人使遇使而侯使與王公伯子使分也其公來二

侯來四相倍半也伯來十一與公侯相倍半也子來二十四除
遇使來一為二十三又與子來相倍半也共爵來四十一除遇
使來一為四十也又伯行來六叔來三季來一俱相倍半也并
行來共十又父來三子來五孫來二并之亦十也又人來亦十
也名來共六十四也姬來八并名來共七十二也又字來一官
來一并爵行屬人亦七十二也而有遇使來一又為七十三焉
餘則地來四逃來寔來各一皆虛位也又餘則狄來一而人類
之來乃無不備也又餘則鵠鵠來一蓋鵠鵠能言亦幾有人道
也來之所貴者陽也正也凡書時月日一則冬十有二月丙辰
來戰也餘則王正月五正月王月各一時月十二月七時六十

四不書時者六十二也若乃滕侯薛侯為重侯一齊侯衛侯鄭伯重侯二共重侯三又邾人牟人葛人為重人二并齊國夏及高張齊高固及子叔姬為重名二而來之爵及人及名實共百六十則并州公鄭詹弟辰邾黑肱麻其莒牟夷俱在內矣

次

冬公次于滑

按次為宿留以需不輟進退也書公次一公之慎也能次所當次則存乎其事矣

秋齊侯衛侯次于五氏

春齊侯衛侯次于垂葭

齊侯衛侯次于渠蔭

按二侯共次^次三侯卑故與公三一且皆二侯也時二不書時一

時又并公而三也

楚子蔡侯次于厥貉

按子先於侯則主次由於子也守在四夷理亦宜之并二侯次

共四則時與不書時各二也

公如晉次于乾侯^昭二十八

公如晉次于乾侯^昭二十九

按次不輕進志固必有所如矣而又加書如者或但以致其志而不必遂其事也且與不必有所如者別也

九月己亥公孫于齊次于陽州

按孫者退避也如主於進孫主於退而皆有所次則進退皆不

荀爽凡公如次二孫次一并之而三加直次一而四与外二君
共次同也

三月公會齊侯宋公陳侯衛侯鄭伯許男曹伯盟于牡丘遂次于
匡

按此為會盟而次雖屬軍禮猶為玉帛之事

春王正月公會齊侯宋公陳侯衛侯鄭伯許男曹伯侵蔡蔡潰遂
伐楚次于陘

按此為會侵伐而次并前内外君次共十

仲孫蔑會齊崔杼曹人邾人杞人次于郕

按列國大夫會次一并前君會而次共三會次不書所事則与

盟次同但不盟身大夫禮略也

八月叔孫豹帥師救晉次于雍澮

按內大夫帥師救次一與公會侵伐之次相似皆兵事也并前仲孫會次共二又與公會次二同也

春王正月師次于郎

夏師次于成

按師次不言君臣以師為重也并前叔孫帥師而三又師二帥師一也

夏六月齊師宋師次于郎

按外二師次二并內師次二而三又郎二成一時月二時一也

春王正月齊師宋師魯師次于聶北

按外三師次一并二師次而二與內師次同加師次而五與君次相倍半也共書月日一與月二相倍半也又王正月三并時月而四俱相倍半也又時四與時月同并月而十與不書時五亦相倍半也

遷

夏六月邠遷于夷儀

十有二月衛遷于帝丘

十有一月蔡遷于州來

按遷非一人之事而亦行類也三遷皆侯爵於邦國為次國故皆詳書月而月二時月一也

許遷于葉

許遷于夷

冬許遷于白羽

許遷于容城

按許為男邦而一國四遷亦備義也蓋古者地廣人稀有利則遷有如此者并前共四國七遷皆自遷也

三月宋人遷宿

春王正月齊人遷陽

按此大國遷小國蓋大國比小國之義古亦有之但自遷與助遷要皆當奉王命耳故并前共九遷而一書王正也

齊師遷紀邢鄆郛

按齊紀皆侯而以師遷三邑則特筆也并前人遷共三皆遷人國邑也共遷國二遷邑一人遷二師遷一又齊遷二宋遷一也總遷共十自遷與遷人相倍半也其王正并時月共二月三時一

不書時者四也

納

春齊高偃帥師納北燕伯于陽

按納與人相似而不同則由己由人之別也因并附焉

秋楚人圍陳納頓子于頓

按此圍納也并北燕伯共納君二

夏公伐齊納子糾

按此伐納也而與圍陳納頓子不同其書公伐蓋齊公於楚也

子未成君糾名皆以脩義不書子齊不成乎納也

晉趙鞅帥師納衛世子蒧于戚

按并前國族名帥師納二齊晉各一也其世子名亦与子名相
備

丁亥楚子入陳納公孫寧儀行父子陳

按此与人圍納皆楚也而目君与公同入則視伐圍加甚焉故
獨詳書日也納二卿而公孫名族名各一皆脩義也其入陳納
于陳又与圍陳納于潁相似而不同

晉人納捷菑于邾弗克納

按納書人与楚同其晉納二亦与楚同而直納并伯与世子而
三則族名二人一也又晉二齊一也捷菑止書名非未成君也
亦因以備義故納六人七名五不名二各不同也弗克納与子

糾同而加書于邦弗克納者則非力之弗克也總六納之而兩
相對交錯其文如此共書日一時三不書時者二也

春秋慎行義二

莊有可撰

出奔又出奔

冬十月宋華亥向寧華定出奔

宋華亥向寧華定自宋南里出奔楚

按此本出而又出奔而又奔為出五十奔七十六之特筆并之

又為出奔四十九之特筆也

出奔又來奔

宋公之弟辰暨仲佗石彊出奔陳

宋公之弟辰自蕭來奔

按此亦奔而又奔也而出與來異三人同出而一弟獨來又異

也

如又如

公子遂如京師遂如晉

按一年兩如者多矣此獨書遂如所以著如而又如之義也

入又入

晉欒黶復入于晉入于曲沃

按此与出而又出相備

自又自

夏五月公自京師遂會晉侯齊侯宋公衛侯鄭伯曹伯邾人滕人
伐秦 秋七月公至自伐秦

公還自晉鄭伯會公于棐十有四年春王正月公至自晉

按自京師會伐猶自近而遠也還自晉則已將返矣故同為又自而兩自晉與自京師自伐秦異也

歸又歸

六月衛侯鄭自楚復歸于衛 衛侯鄭歸于衛

按此外君又歸也

春王三月叔姬歸于紀 春王三月紀叔姬歸于鄆

按此內女又歸也而以係紀不係紀為已嫁未嫁之別

齊人來歸運謹龜陰田 齊人歸謹

按謹地再歸與冒相似而冒歸二人故與一地又歸異也

來聘又來聘

齊侯使其弟年來聘

冬齊侯使其弟年來聘

晉侯使士匄來聘

晉侯使士匄來聘

晉侯使士鞅來聘

夏晉侯使士鞅來聘

春宋公使華元來聘

宋公使華元來聘

按朝君亦有再來者而止書爵而不名則一爵之來不止於再

蓋義不係於又朝也此四重聘為公使一侯使三弟一族三皆

不書時一各書一時三又國則晉二族則士二凡一事四書之

文法大都多此類

來又來

春介葛盧來

冬介葛盧來

按重來本與聘同其異者徒來也

冬杞伯姬來

秋杞伯姬來

按伯姬而來文與王姬而歸相似然王姬本有二人則伯姬之來乃為重來與葛盧同也

以邾子益來

春王二月邾子益來奔

按以來與來奔異而來則重矣并前出奔入如自歸來聘共事八而重十六益相倍半也

居入

天王居于狄泉

冬十月天王入于成周

按在上為居入猶進也此天道也故惟王道同之

劉子單子以王猛居于皇

秋劉子單子以王猛入于王城

按此為以居以入王道之所以異於天道者天下之大萬幾之
蹟非一人所能獨運必有為之輔者焉其實亦非有二也凡居
入共二

至居

三月公至自齊居于運

公至自齊居于運

昭二十七年春

公至自齊居于運

昭二十七年冬

按齊者中也猶月之望也公之道也自齊必三幾望當望既望也

公至自會居于運

按會猶月之合朔也

春公至自乾侯居于運

按侯者候也乾侯者蓋月周天之候也月之承日猶臣之事君公者王之正臣故至居如之凡至居共五

出入

十有一月衛侯朔出奔齊

夏六月衛侯朔入于衛

按王公無有兼出入言者王至尊也公亦尊也故王雖出猶言居而公不言入自侯以下乃其出入也

己未衛侯出奔齊

衛侯入于夷儀

按此亦衛侯出入也而皆不名為異者則以入而又歸也

五月鄭伯突出奔蔡

秋九月鄭伯突入于櫟

按侯伯共出奔六而入三本相信半也而入者又侯二伯一名二不名一入他邑二入國一月與時月二日與不書一也

鄭良宵出奔鮮許自許入于鄭

按此出入連書故名止一書加自為異并鄭伯而君臣各一也

宋魚石出奔楚

宋魚石復入于彭城

按此以入加書復為異

宋樂世心出奔曹

秋宋樂世心自曹入于蕭

按外族出奔共二十一而入三本七之一也而宋二鄭一重書族名二不重一自二復一入他邑二入國一與書時止一皆與

君之出入互見也并前止入共六又衛鄭宋各二也

秋晉欒盈出奔楚

晉欒盈復入于晉入于曲沃

按此亦外族名獨出入也而以出一入二為異其入國与良霄同復入与魚石同晉亦与鄭同餘皆与宋族名同

宋公子地出奔陳

宋公之弟辰暨仲佗石弼出奔陳

春宋公之弟辰及仲佗石弼公子地自陳入于蕭

按此為異出同入實又出二入一也若欒世心之入蕭与弟辰之來奔其義蓋別

冬十月宋華亥向寧華定出奔陳

宋華亥向寧華定自陳入于宋南里

宋華亥向寧華定自宋南里出奔楚

按此亦出二入一也而三族名同出同入且出而入入伯出為
異其入宋与入晉同南里又与曲沃相似故并出一入二与出
二入一亦三而宋二晉一与宋二鄭一亦同凡出入共九而君
三臣六又相倍半也

出歸

己未衛侯出奔齊

甲午衛侯衎復歸于衛

衛侯出奔楚

六月衛侯鄭自楚復歸于衛

按出本同也而歸与入異故義又互見也衛侯之出歸皆同而
自楚異其皆書日与書月与否亦異也

鄭忽出奔衛

鄭世子忽復歸于鄭

按世子雖未成君而有君道況先君已沒且終喪乎故鄭忽雖名而不爵義猶君也并衛侯而出歸共三与君之出入同也

陳侯之弟黃出奔楚

陳侯之弟黃自楚歸于陳

楚公子比出奔晉

夏四月楚公子比自晉歸于楚

按世子侯弟公子以次遞及皆備義也而自歸二復歸一旦世子於出削而不書公子於歸加書時月皆以三而變也

衛公孟彊出奔鄭

衛公孟彊自齊歸于衛

按公孟雖族猶為公戚屬之稱故除世子猶君則公孟与侯弟公子又相次也而以奔鄭自齊為異公孟即族亦異也

衛孫林父出奔晉

夏衛孫林父自晉歸于衛

宋華元出奔晉宋華元自晉歸于宋

按此出歸雖連書與鄭良宵出入連書同并前衛二卿出歸共三族名也而衛二宋一自奔皆晉二奔鄭自齊一也

衛元咺出奔晉

衛元咺自晉復歸于衛

按元咺與孫林父華元奔晉自晉皆同而亦衛二宋一林父書時元咺書復與華元連書各異也若除華元加公孟為衛三族名同又奔晉自晉二奔鄭自齊一歸二復歸一也若并華元不除則族名出歸共四也若并侯世子之復歸則出復歸亦四也其世子侯弟公子公孟為君屬之出歸亦四也凡出歸共九蓋

皆与出入互見也

入歸

衛侯入于夷儀

甲午衛侯衍復歸于衛

按入又有歸別微之至也而君止一書則出入出歸皆為三分之一也

秋晉趙鞅入于晉陽

晉趙鞅歸于晉

按亦一書國族名君臣各一也凡入歸共二

出入歸

己未衛侯出奔齊

衛侯入于夷儀

甲午衛侯衍復歸于衛

按出入歸脩書者惟此而日与不名各二不日与名各一也

如復

春王正月公如晉至河乃復 冬公如晉至河乃復

公如晉至河乃復昭十二 公如晉至河乃復昭十三

公如晉至河乃復昭二十一 冬公如晉至河有疾乃復

夏六月公子遂如齊至黃乃復 公孫穀如京師不至而復

按如蓋未有不復者天道之所以循環無端也乃因假如於半

途者以見義耳凡如復共八餘俱詳復

如還

冬公如晉 公還自晉 公孫歸父如晉 歸父還自晉

按還者復之始事也凡君臣如還各一并如復而十也

如次

公如晉次于乾侯

昭二十八

公如晉次于乾侯

昭二十九

按次者中止而不進未遂乎如者也如次二与如還同且皆晉也惟皆公且無異詞則義又别并前如復如還共十二也

如至

冬十月公如齊十有二月公至自齊

春王正月公如齊公至自齊 公如齊五月公至自齊

按三如至皆書月而各不同

春公如齊夏公至自齊

按此如至皆書時与如至皆書月相似

春公如齊公至自齊

宣十

春公如齊公至自齊

昭二十七

秋公如齊公至自齊

按此如至皆止一時与如至止一月相似而春二秋一蓋又与

如月至月至見也

公如齊公至自齊

按此如至皆不書時与月又并皆月皆時而三也凡公如至於

齊共八与如復同若其王正時月之或詳或略蓋皆天行也

冬公如齊納幣二十有三年春公至自齊

夏公如齊觀社公至自齊

夏公如齊逆女秋公至自齊

按公之如至於齊其係事者共三二時二一時一也并前如至共十一除書月三仍八也雖隔年皆中無閒事蓋不止於鄰近之故

春王正月公如晉 公至自晉

春王正月公如晉 夏公至自晉

秋七月公如晉 春王三月公至自晉

冬公如晉 春王正月公至自晉

公如晉 秋七月公至自晉

按五如至皆書月而各不同其王正如并齊三而至時一也

冬公如晉 春公至自晉文四 冬公如晉 春公至自晉襄四

冬公如晉 夏公至自晉

按三如至皆書時亦与如至皆書時月同

夏公如晉 公至自晉

公如晉 秋公至自晉

公如晉 春公至自晉

按三如至止一書時与兩書時同亦与三書王正同其至時二

如時一与冬春二冬夏一同亦与秋七月二春三月一同

公如晉 公至自晉

公如晉 公至自晉

按如至皆不書時二与如至於齊不書時相倍半也凡如至於

晉共十三而皆中有閒事

十有一月公如楚 夏五月公至自楚

三月公如楚 九月公至自楚

按楚之如至皆月并齊晉如至皆月各一而四而其或時或不時各不同若并齊晉之如至一月者共十也凡公如至於齊晉

楚共二十六

公與夫人姜氏遂如齊夏四月丙子公薨于齊丁酉公之喪至自齊

按此亦公之如至也而以如與夫人至喪為異并齊之如至共十二再加晉楚如至則二十七也

夫人姜氏如齊 三月夫人姜氏至自齊

按夫人如至一夫人專之也并前公如至共二十八

公子遂如齊逆女三月遂以夫人婦姜至自齊

秋叔孫僑如如齊逆女九月僑如以夫人婦姜氏至自齊

按逆女如至二至皆月而如書時與不時異連書不連亦異并公親逆共三皆相偕半也以至與王之以居以相相似未成乎婦不能自主故又與夫人專至異而如至主名於公子叔孫也

冬單伯如齊單伯至自齊

春王正月叔孫婼如晉叔孫婼至自晉

按內大夫如至二并逆女而四名三不名一又叔孫二公子與族行各一也其王正與月時并不書之互見亦同并前如至共三十二齊與晉楚分也細析之又各有文理焉

如自

三月公如京師夏五月公自京師遂會晉侯齊侯宋公衛侯鄭伯
曹伯邾人滕人伐秦

按如而又自特筆也然并書至之自齊晉楚共如自三十三也

如奔

公孫敖如京師不至而復丙戌奔莒

按此本如而不至者也然不至与至其大同小異故已詳於如
復中惟因如而奔則如又加奔不可不辨也

公孫歸父如晉 歸父還自晉至莒遂奔齊

按敖為如復而奔歸父為如還而奔要皆如奔也其為公孫同

而有之書日与名之重出各異

如來

冬州公如曹六年春正月寔來

按此為如而又來特筆也而外公如并公如除与夫人如以喪
至緦公如共三十七不除為三十八也若并夫人大夫如共四
十八析之則如之至三十二与復還次奔自来共十六相倍半
也復八与還次奔自来分又与還次各二相倍半也奔亦而有或
復或還相兼又与自来相倍半而自来各一亦分也

如自自

冬公如晉 公還自晉 春王正月公至自晉

三月公如京師夏五月公自京師遂會晉侯齊侯宋公衛侯鄭伯
曹伯邾人滕人伐秦 秋七月公至自伐秦

按如而還至一事也如而又自遂會伐而後至二事也故如而
自自辨其異審其同可以窮能行之義焉

在昔蚩尤作亂始作五虐之刑名之曰法而後刑制興焉夫天有四時春主生而秋主殺其相濟為用本闕一而不可則其事雖創始於蚩尤蓋亦非其私智所能專矣若乃大者陳之原野金革之變固一國之存亡係之次則肆諸市朝亦非止一身一家之故也故書曰士制百姓於刑之中以教祇德刑人殺人不與禮樂相為表裏哉王者之道不敢侮鰥寡諸侯之法無專殺大夫此成周之隆司寇之禁所由刑措歟至於春秋亂獄滋豐執殺從欲馴致犯上行逆弑君二十有四則刑典之壞極矣然而世有治亂通無汙隆究其從來亦中與不中之辨耳春秋詳書之雖以備人事蓋實與天行之秋令有適相符合者而何可不慎也辛酉嘉平月望丁

已莊有可